



息菴集

詩

三

16
2355
1



和
2355
卷 / - 3



息庵黃公卒一百五十四年文集如
鉅法梓嚙晚矣久而若較詩三百七
十批答一疏五書十五雜著序記跋銘
贊箋冊祝祭行狀并二十九篇嚙少矣
然而素屏一銘可以知公為己之學也祭
甲三疏可以知公經邦之模也銅雀臺張
翰歸江東各法作可以知公文藝之夙

成也又矣必多守哉夫總月志白茅
穎俱沉而端襟默坐於素屏之下
其惟之工果何如也此公獨知之人固不
得以知者而然而龍蛇之變公危 東
宮奔避於劍山苑峽之間出沒兵戈死
生呼吸而隨要安間吟哦不廢此公之
不以夷險之易其守也與 東宮於難

久而結知深及 東宮踐大位必已有
進取而不俟終日與其胤子辭祿乞歸
遂不起矣世禍大作公不與焉此公
之明於幾勇於退也非有冥得之深能
如是乎如知書於屏上者非空言而已
其可悅者公之疏數十條多餘言難出
於禦亂之策行之於未亂可以無亂之審

時不能用因循以至於今今之去公已遠矣
矣生為弊者益甚可知已然而契之既
極雖欲不改不可得是生理與勢然也故
守宰解由之申嚴使多騶泥饌器之空
數近年以來著為令甲此則疏中細節而
今已行之已久安知不次第以行乎但恨
其遲留至於文章公之餘事然亦生味

淡正色素其韻徐而其中有至貴者
存此志不可與俗人論唯知者知之
歲己丑二月乙卯後學高靈申景濬
謹書

息庵先生文集目錄

卷之一

詩

和坡翁韻 二首

庇仁縣舍次壁上題詠贈人

海上望羣山島

贈京城老居士徐起

山人靈寬遊海上諸山還以其詩示我我
和之

歸鄉次僧軸韻

息庵先生文集目錄

題詠歸齋

次僧軸中柿村手筆韻

舒衙夜懷

留牙山縣舍間舊友李惕若在境內懷而作

贈惕若

靈機老禪自三角山渡漢尋我牙山館舍

次新溪題詠

次康翎青松照鏡軒韻

行入牙山見櫻桃爛紅感次壁上韻

題瀟湘風竹圖

溪堂

嶺路秋興 六首

嶺有祠堂

登降城秋懷

送尹伯亨帶憲職試士湖南

送柳立之赴鍾城府

夜雪

送宋信甫 應洵以冊封 聖妃謝 恩使赴京

送宋進甫 駿冬至赴京

送洪書狀仲安 世恭赴京

送姜書狀應聖冬至赴京

輓金重叔應南內助韓山李氏

甲申九九家君宰丹陽會鄉族于二樂樓命

題排律十韻

民苦運糧

贈別慶尚監司尹尚中卓然

別江原監司洪渾元

元夜在先塋下悲吟

山人再訪以病未見

謝人送木瓜

夜聞鶻鵒

春晝山廬感啼鳥泣書

聞雞

別慎由善赴海西幕

謝金重叔乘月問病

送人負笈向關西

別沈公直忠謙之任春川

自舒川初還次金子瞻醉惠韻

秋夜曉雨

江上帶月訪人未見

春菜

歎兩牛繼斃

畫龍

山寺佛像畫

老栢

烏鵲吟

硯滴

阿中家婢死於虎

聞離女從舅姑夫在本地焚次

阿詹向湖西

別兒後書懷

猛虎

虎鬪止

烏江

別尹郎中粹夫先覺巡撫關西

題人落第講紙後

別金公緒續先新赴槐山

大殿迎祥詩四首

觀造紙

買海鹽來

題僧軸

讀大學

讀大學衍義

山僧送香蔬

山中即事

輓姻從南同知復興

輓柳原州雲龍

昌樂丞沈仁補詩以邀我和之

輓洪士振慈堂

贈金山陰大賢胤昌祖

題玉輪詩軸

立春門帖詩

栢巖金參判 功希玉東浦別墅十景次韻

孤山別鶴

寒沙驚鴈

文峯湧月

烽燧飛雲

松崖密雪

柳堤疎雨

臨池賞蓮

坐石觀魚

渡口牧豕

隴頭耘歌

題東浦新齋

送韓清風述新赴

輓右台慶林君金命元

蒙沈一松喜壽相公委訪病未謝

烏江

病臥京洛夢遊丹陽蒼石

端午日在洛思鄉

題僧軸

春寒

草廬失火

蒼溪北泉

小池

感時

晨起感興

因宋塔達甫書審元孫誕生

家僮自京還說消息可傷

墨洞洞口挿柳

借牛種麻

三月三日新艾

家有老罷馬人皆曰可棄吾憐其老 二首

大霧

分菊

謝人送鹽糞

歎兒子懶學

蘆笠

觀麻田

病中受人饋荏子餅

風樹庵次韻

望樂村烟樹

憐病駒

奉別裴臨淵 三益赴京陳謝 二首

醉醒歌

長蘆聯句

次海月軒題詠并小序 二首

驪臯泊舟訪洪尚書士信

獲兒

沈仁祚韓濩間日連死

漁村四首

止吟詩

光陰

在京偶占

山中人送薯蕷根

謝高通判 硯饋魚鱗

送宋評事 願祚赴關北

靄潭觀魚二首

琵琶女

對酒賞菊次成城主以斂

題舍弟負暄堂

江寺待月

丹陽峽中

舍弟山亭

題裴明瑞龍吉琴易堂詩帖

安貧二首

訪丹谷二首

承栢巖委訪適在山房未過

夢拜嚴庭有愴書懷

挿蘿菴種

方劑茯苓薏苡丸謝人惠逢蟻

春寒

躑躅木杖

短髮渾白歎

三三無花歎

僧輩分菜田

送山陰宰金大賢

蒙李校理坡見訪未謝

詠蘭

溪堂和人二首

謝人佩壺來訪

安仲賀應一嚴侍喪後感寄仲賀

夢闕有感

謝江上釣徒送魚

奉和一松相公惠韻

逢柳狼川荷憶西厓二首

別南善初復始新赴狼川

別戚友李大司成尚信冬至赴京

謝黎浦友送雞

舟泊梨浦走筆寄故人

舟過忠州江村寄問金典翰蓋國

次僧軸韻

逢舊知僧法宗書贈

輓西原府院君樂圃鄭爺二首

輓中參奉孟慶慈堂

書懷

書崔持平東立臥隱堂記後

平海海月軒二首

得柑子一枚分半寄鄰兄

次成城主韻謝丹陽倅來訪

丹陽二樂古樓鳳樓新亭人皆曰雙絕然豈

無優劣可議取正於主人太守

示族姪有終

不見靈寬父今見殊非昔日凡僧

夜與西山李而遠尚毅飲戲成聯句并序

銀臺偶題

輓庶叔

醫之子不讀其父書讀經書業儒

寒食

贈推數僧德藏二首

次舍弟心峯精舍韻

題丹谷山家

中山齋重修後夜坐有感

暮春日會真先墓有感

為國喪會葬向京丹陽路中阻雨

次成城主秋懷惠韻二首

詠菊次城主

壽樂堂次城主韻

嘲郭院長嶮不醉先起

卷之二
李生廷薰葺其大父因樹亭二首

詩

義燕詩 并序

輓金學士 光燁

憐七月鶯

景濂亭次韻

送山人惠輝遊洛山寺

輝公遊楓嶽還

歸來亭福州勝地吾昔為州遠歸未遑遊賞

今亭主來誦壁上題詠屬余和之

二樂亭次韻

飲酒饗堂謝廣文

示校儒

聞金江陵來本家恨吾病未見

羨江陵遊楓嶽

在京自歎

夏月在洛食蓴

題屏畫四景

舍弟新就負暄堂

輓藥爺夫人

題素齋壁八幅畫

粉梅

墨梅

鳥似鷓鴣

葡萄

漁村二幅

寒鵲

山水篋

遊龜鶴亭

久雨歎

喜晴

喜表孫英解聯句

得大南星放新池

輓洪僉知士振

濫叨二品感懼書懷

從叔直長公秀奎棄官南歸構對翠堂會諸

族飲話

陽月雪中對翠堂飲話

聞尹粹夫先覺訃音悲吟

九九登高遇雨退設

臨谷薄遊醉還

登望

送红柿丹陽倅

題野牛圖

題山郊放馬圖

重陽登高族會

收小豆

送李上舍晉哲之洛

輓京畿監司全城君李準母夫人

恭懷嬪輓詞

行路難

錄示草庵僧洞公

奉酬李提督求詩

白川金谷驛

過延安有感 并序

征虜

壬辰四月晦日記事

陪 春宮踰平田嶺露宿

春宮宿熙川長洞

寧邊劔山與咸鏡高原界

孟山路阻雨宿孫崇祖家

春宮將駐原州駕至伊川忽有賊報甚迫夜半

冒大雨向谷山將駐成川也

有嶺高聳於熙川寧邊間人曰是香山驚而

偶吟

聞病親奔竄嶺東行到谷山路聞賊近而水

無舟壁無逕適居人撐艇迎我得渡江僅

免

陽德山谷阻大水露宿溪上石

余既不得達故鄉還向行在所路逢賊遮

隱伏山谷

成川多勝景亦以繁華稱余以公幹久留而未堪多難許多風景都付落莫可歎時癸巳春也

隨駕還都傷懷偶題二首

題功臣錄券

重入銀臺

在嶺南遙別舍弟朝京

附負暄公在遼東追次

送壺酒遙餞

病起三三朝戲寄負暄翁

題黃汝厚載草堂

寄商山鄭監司經世

題郭靜甫丹溪集後并小序

題枕流亭

輓九十三歲翁

午憩路中草堂

重陽病臥

江上釣翁

小堂漫興 二首

梨子

詠菊

十月菊始開

解人評菊

族中社會 二首

貧居

秋日望堯率峯下深壑

晨起感興 三首

羨舍弟先入山房

喜豚兒有中得二孫

新舍成

山牕風霧

晚秋思丹丘勝槩

謝丹江友人送大魚

戲書投梅竹林

贈僧

草堂

乙巳關東水災

寒碧樓次韻

重陽無菊歎

壽樂堂次成城主韻

甲寅又次李城主坡

有比丘從無量寺來說道勝迹

池方寺

草庵洞中有冶廬長姓裴者老且善里人名

曰裴店

戀闕

馬山

浮雲歎

茅齋午眠

竹亭

古順興鴨腳樹

秋夜雨中歎二首

野望感古

有人送活雞憐其善鳴放而畜之

雨起早朝

作養蒙小齋

曉起書懷

哀鳥雛

題前後赤壁圖

真儒

諸子請寫吾衰顏吾止之

廢寺

宿山房

蕭寺

戀故人

待阿詹不至

柿子

栗子

次題自遠堂二首

野田隴頭老杏顛拔

九日登高野望四首

登丘望郡

小酌樂川上戲題二首

秋山入暝

釣魚

晝見天西缺月

秋日正庵問舍弟酌酒成醉

庭前鴨腳樹

牕前梅枝一鳥忽來背青腹紅短尾長喙曾
未見者怪而志之

寄丹谷居士

秋日野酌

病起早曉

題雪擁藍關馬不前

觀穫稻

曉雞問答

寄栢巖三首

記夢

野望

弔亡友家

妖狐

初寒

舍弟初度日有感

舍弟池上新堂小飲

山堂卽事二首

圮橋

神勒寺

輟詠詩

爲學

別李上舍 晉哲 居昌玉果之行

寄閔推卿坡州別庄

元日祝辭

送李城主 坡 辭歸

又次雷別韻

族會

徐尚書玄紀 消 送饋大魚恨無書

妬花風

古里峴南山谷草項白石皆可卜居

訪山家失路歎

君子亭

豫讓

項羽弑義帝

奉閱先君吟詠揮灑感而作 并小序

山芥菜

白烏雞

大硯

接木

燈火

遊山寺

夢遊草庵

中山齋

送外孫尹墨為其大母會葬上洛

輓郭院長嶧○二首

謝全城君送惠黃白二筆

謝全城送新曆

家有素屏乃先人枕頭常留者唐詩六章亦

先人手迹小子不忍撤去常卷舒於枕邊

感而作此

小子所處乃先人居處感而悲吟

三三陰雨歎寄草堂

別黃會元新赴東萊

梅竹軒對月

對月感懷

溪堂卽事

竹嶺關

盆蓮

冬至

雉畏鷹

獨立

悼洪興道 可臣

龜鶴亭

夢罷感懷

卷之三

批答

左議政盧守慎辭疏不允批答

疏

差謝恩使將赴京乞覲親疏

海州駐駕時疏

論八條疏

覲親後還京上疏

論軍務疏

卷之四

書

慰諭成川府民書

禮曹答對馬島主平調信書

誠示子孫書

與紹修書院院長奮義都監書

與書院院長

與書院諸生

答書院

與文學柳子敬恒

與金希玉功

答郭靜甫

答郭靜甫

答郭靜甫

答院長郭靜甫

答白雲院

答書院

雜著

息庵名義

書杜律後

序

古五老契會圖序

記

玉泉精舍記

跋

退溪先生鄉約條跋

昌原黃氏族譜跋

息庵先生文集目錄

銘贊

素屏銘并序

松木硯匣銘

文氏三烈婦閭贊

箋文

安東府使時正朝賀箋

冊文

德嬪 贈諡恭懷冊

祝文 祭文

大駕還京城祭名山大川文

德津

楊津

五冠山

延安府鄉校亞聖位板改造奉安後別遣禮

官慰安祭文

鄉校位板改造奉安後慰安祭文

三溪書院權忠定公廟常享祝文

先祖迎日監務墓立碣祭文

先塋會奠祝文

都體察使李元翼南下時燾祭文

大駕還京城致祭都中死亡人文

安康縣戰亡 天兵致祭文

花陵正致祭文

楊原君女子李氏致祭文

靈山君女子李氏致祭文

完山君女子李氏致祭文

祭柳甥止善文

祭郭院長嶮文

祭瓶山再從叔訥文

埋婢子祭文

行狀

忠勤貞亮扈 聖功臣大匡輔國崇祿大夫

領中樞府事致仕西原府院君鄭公行狀

卷之五

附錄

行狀

墓誌

祭文

愚谷書院奉安文

常享祝文

輓詞
神道碑銘

息庵先生文集目錄



息庵先生文集卷之一

詩

和坡翁韻 李坡谷誠中

隰有荷之華娟娟似靜女洛浦捐玉佩烟霞自輕舉
淡粧不施朱狡童運木與有人獨相思十年山水阻
良媒倘可憑月白風清處
拳拳嶧陽樹百年鳳凰林岐山德輝遠寂寞空垂陰
瘦榦風霜古空心野燒侵具眼早晚來五絃七絃琴
鍾期骨已朽為誰莪洋音

庇仁縣舍次壁上題詠贈人

息庵先生文集卷之一

風響孤笳掩小城五更欹枕睡難成
庭莎亂語蟲無數壁紙寒輝燭不明
官酒逢場催軟飽戍樓閒况屬
吳平男兒何處非王土莫作牕前萬里情

海上望羣山島

無數亂峯點大溟羣山名是不虛名
綠雲頃刻龍嘘氣彩閣空中屢吐精
倘挾仙人遊沆瀣應聞王子弄
簫笙從今仗得丹砂術飛去飛來羽腋輕

贈京城老居士徐起

在寄川

君持道籙渡瀛洲我佩銅魚爲邑宰
一般他鄉送舊年霜鬢明朝凜相對

山人靈寬遊海上諸山還以其詩示我我和之

海上名山僧一杖幾庵留伴白雲閒
歸途投我詩囊滿十載焚籠坐覺寬

三月曾遊無量寺板樓花發錦千重
僧遊是我曾遊地最憶飛流出霧中

歸鄉次僧軸韻

俗累縻人苦未休鄉園歸思忽驚秋
脫身簿領忙中幸偷暇烟霞裏遊半畝
池塘苔逕畔三間牕戶石泉頭一年
今日聊閒適爲惜頽光更少留

題詠歸齋

舒川全壽百家塾齋傳屬我名之

百年荆莽辟雲臯齋得佳名爲汝曹瑞日揭天明絕境光風吹座起羣豪誰將蠹簡輕糟粕不對狐裘恥緼袍待報溪南多草色兩三人上遠山高孔門三千弟子狂者誰吾信喟然非空譽二三子言志各不同求也何如赤何如率爾固可哂鏗爾惟起予沂之水兮方渙渙嫋嫋東風三月初五六冠者六七童浴罷歸來風又徐氣象超然千仞鳳慕古人今思執輿東方文化起殷師地窮瘴蠻人詩書家有孰黨有序有齋有齋安羣居羣居何所事至樂囂囂存飯蔬山似

舞雩水似沂水洗其身風襲裾冠童無失長幼序禮讓從此生窮閭渠無等閒負齋名放過其柰忙居諸山木人心貴得養莫以偏荒先自沮

次曾軸中柿村手筆韻舒川時

門驚剝啄黑甜餘甚處青山剃髮渠楚杜庭邊談水石腥羶厨畔餉筍蔬蒼烟一帶雨晴後紅日三竿雲捲初袖裏花牋龍欲動展來先識柿村書

舒衙夜懷

萬里滄溟千點島百年烟火一孤城城門開閉三聲角太守閒來片夢驚

留牙山縣舍聞舊友李惕若在境內懷而作

辛巳夏罷處舒川待
交承於牙山平澤間

五見邊頭草木秋依然京國弱年遊我洋潦倒孤城
夢弧矢蕭條短髮愁辭善魄鶯語亂投新葉轉燕巢
重訪舊梁留眼前物態堪消遣獨恨澹臺不到州

贈惕若

十載夢中人萍逢江海間一別今幾年鬢髮已斑
停杯一灑涕共戀終南山俱是淪落人客味同辛艱
少年題柱志君已凋朱顏驅馳長在路我亦愁間關
把臂各言志素月升東巒

靈機老禪自三角山渡漢尋我牙山館舍

旅館誰相問胡僧獨可親三春眠北嶽昨日過天津
綠幕深藏烏鳥衣巧掠人居然知四十翁向水雲身

次新溪題詠海西幕客時

浮世長爲俗事牽仙區逸興覺飄然烟光隱映千松
嶺橋影參差百道川遊賞不妨花落後登臨正值月
明天吟詩未得驚人句勝景難憑筆下傳

次康翎青松照鏡軒韻

枕塘開畫閣凭檻憩勞人松蓋低簷偃荷錢點水新
池臺雖信美湖海少相親延仔愁無盡浮名絆此身

行入牙山見櫻桃爛紅感次壁上韻

行入孤城日力窮
護總松竹作秋風
坐來忽起南園興
與西國櫻桃也自紅

題瀟湘風竹圖

波怒瀟湘兩岸寒
竹枝磨戛碎琅玕
休嫌苦節隨風偃
恰作夷齊餓死看

溪堂

激激水聲上幽幽
山影中圖書一榻
靜風月小牕空嶺
路秋興嶺半有龍湫

葉脫斑斑錦花明
熠熠金深秋多意味
十倍過春林

舍馬攀紅樹窺龍俯
黝湫澄泓不可測
直欲泝源頭棧長
愁病脚泉列沃煩
心敲推墮與占鞍
上自高吟細菊叢
連苦竹林飛流濺
沫亂松陰客隨晚
興催雙嶠風送微
涼爽一襟

水落寒溪白石出
風生古壑丹楓飛
石砭萬曲不知遠
驢背吟眸擡翠微

丈夫愁思秋多緒
一劍歸來泣路窮
俯視山南六十郡
飛霜浙瀝千山空

嶺有祠堂忠烈祠

細逕斜穿竹竹祠
行人到此自生悲
丹青剝落龜窺

穴樹木蕭森鳥踏枝身經板蕩知姦節祭表艱貞舉
縛儀萬古遺蹤渾寂寞雲深何處問苔碑

登降城秋懷

韓處太祖統合三
少時作

地古風烟老山空草樹長荒榛秋浥露毀堞曉栖霜
一指心千載雙眶涕數行編方還幅裂衆鬪久搶攘
日下戈矛耀風前旒旆颺鳴鼙車峴外走謀沮江旁
有子皆編伍無親不哭殤兵疆誇虎兇勢弱效螳螂
禍結從吞噬人窮屬贅荒醜齊真楚趙寬愛孰芒碭
蝸角酣蠻觸龍田勃武湯幾年王者氣三尺袖中銚
義氣驅千里仁風輯四方謳歌爭遠邇矢石豈瘳瘡

天吏元無敵王師不待彊乘虛如破竹去亂似揚糠
卷土登嵩嶺恭天坐御牀望風偷竄匿輿櫬泣倉皇
瑞靄消羣怪晴天揭大陽不勞周七伐先約漢三章
昨日謀仇敵今朝禮善良衣冠投甲冑俎豆代錡斨
榻絕他人鼻封非彼此疆一戎收鼎足千半握乾綱
誰識荒山側初基大業昌孱孫安廣厦遠計忽苞桑
櫛沐初艱得流連竟易亡誌圖輸漢闕隍覆倚雲岡
舊鬼陰間哭寒燐夜發光凭危生感楨落日下蒼茫

送尹伯亨帶憲職試士湖南

江南春色上梅枝滿路幽香

御史知須收標實歸

殷鼎莫取妖紅獻 玉墀

送柳立之赴鍾城府 被儒將選

儒冠亦許虎頭臣 五馬春蹄塞上塵
毳帳新驚單騎令 萱闈幾夢彩衣人
山西素望知男子 水北青烟是女真
緩帶樽前堪鎖鑰 未應先困荷鋤民

夜雪

總撲飛蟲夜色新 路鋪瓊屑斷行人
明朝滿眼長安樹 幻盡春前分外春

送宋信甫以冊封 聖妃謝 恩使赴京

冰天朔雪古幽州 霜鬢嚴程 聖主憂感激
溫綸

臣子義

上有宋某霜鬢蕭蕭之 教間關行李故人愁 文園病

應須藥玉館 寒多更襲裘 雨露新霑吾 太姒午門

稽首趁清秋

送宋進甫 駿冬至赴京

一陽初奮地 萬國共朝 天禮義從疇 範黃朱帶表
箋周庭 吳季札 銀渚漢張騫 何處鄉心苦 蕭蕭落木
邊

送洪書狀仲安 世恭赴京

聖節三秋半 嚴程五月初 海隅千乘國 天上十行書
匹馬遼雲迴 流鶯薊柳疎 詩情入縹緲 燕士拾瓊琚

送姜書狀應聖冬至赴京

海外形骸小關中道路長
鴈書迷遠塞蛩語似吾鄉
歲事隨義晝天光仰舜裳
皇恩攜滿袖春意滿東方

輓金重叔應南內助韓山李氏

儒家生女士淑德配君子
平居儼對賓內則常繩已
去歲背慈親摧傷日柴毀
沈綿藥未效婉孌身先委
孤鳳守寒栖一雛哀欲死
舊篋餘剪刀新涼入單被
手線半蒙戎時驚曉霜起
精靈若有知幽怨何窮已
閨儀總寂寞千秋一篇誄
日月支千良衣衾棺槨美

玄夫契青山丹旒飄白水
陽岡妥貞魄片石韓山氏
遺範侍兒傳鄰嫗亦彈指
何年夫子貴寵命重泉裏

甲印九九家君宰丹陽會鄉族于二樂樓命

題排律十韻是日舍弟及再從弟正曙同姓諸族皆會

地擅丹丘勝時憐九日良
楓粧霜後錦菊送雨中香
畫閣浮空迥清湍匝地長
杯盤酬勝節簫鼓沸仙鄉
人世稀三樂天倫偶一場
匪他兄弟會具慶子孫昌
各率舞拂松蘿影子來杯含棗萼光
雲容深淺白嶽色淡
濃黃鄂渚遺蹤詭龍山
舊興狂誰如今日會四美奪
滕王

民苦運糧 壬癸間

古法流馬木牛神此制如今誰勅新鯨鯢出沒不可
期邊上熊羆今尚屯轉餉千里背生蛆轉餉無窮人
一人去者未還復催發民窮但願百其身噫嘻蚊虻
力已盡亦云民時須及春不知何策可善後謬算昔
日陳 楓宸疏請屯田海岸間田多沃饒豈曰充國今無
臣不勞甬道一肩摩營中自有千斯困君不見諸葛
分兵勸耕耘滿目昫清渭濱

贈別慶尚監司尹尚中 辛巳

山陽大麓海北大陸乃是新羅一千年遺墟英豪墓

野文物中華聖代州郡六十餘餘風有存者絃誦聞
窮閭山川擅秀麗將相連斗車珍重攬轡人笑談無
簿書伽伽山雪後白玉明君應舍車跨寒驢高哦振
林木巖洞飛瓊瑤襟期屬寒梅清馨知滿裾回頭井
里間兼并還讓漁紛紛阿大夫望風爭解魚商山有
遺愛舊侯無疾歟萊人昔服義先聲騰令譽會粹尚
州東萊
南天草木儘雨露一物不見生瘡疽福星歸來雲路
遠颯輪直上無踟躕我昔南宮席末郎時屈長松倚
散樗中年聚散似落葉只今霜華欺曉梳離心不獨
折柳心嶺外我有先人廬投牋索語豈徒爾我不直

之何取諸鷹鷂鸞鳳取舍在視民不可如羣狙臥病
長安月五穀阻向離遙屬新醴甘棠一樹召伯後芥
斤不入春陰舒

別江原監司洪渾元辛巳

青山之心朱紱身十年之前了大事龍門山下別有
天下地初年知有意龍門山嶽終南五雲深暫罷華山
睡銀臺一夢猿鶴驚水雲幽襟天日照翻然謝靈運
化作甘棠召關東之東山水窟八萬二千金剛峯造
物太豪縱白玉爲骨秋爲容山靈呵護白雲鎖洞門
往往愁塵蹤真緣地上仙縹緲生遐想玉節出少府

剛風已颯爽儵然愜雅懷鶴背真人導前路此去先
登最高頂毫端一塵杳九土驂麒麟駕輿輪上山下
山清風生風吹山下數十城一轡未攬先澄清頭上
戴日月餘光燭魑魅手中有雨露雨洽孤根露潤焦
菱公庭事以一筇飛雲師巨靈爭後先錦袍風翻拂
星漢天上神仙下雲軒萬劫一指下扶桑兩袖邊相
將捐羽衣笑語飛人間何以予之一刀圭此藥可以
駐朱顏可以壽聖人千歲萬歲如南山可以壽吾民
黃髮白髮歌耕鑿天下之人願生我壽域日出之邦
是樂國蹄涔翹首送仙客空展雲牋吟白雪此生亦

有尋山分請君預拂毗盧石擬向紅波呼出日與君
共看黃金橘

元夜在先塋下悲吟

舊與新相代今宵惜放過光陰良候忽浮世竟爲何
泉壤浸絲漠孤哀漫涕沱明朝看兩鬢添得幾莖華

山人再訪以病未見

踏遍金剛八萬峯歸來城市少相從吾家十日渠重
到病裏森然野鶴容

謝人送木瓜

南國相望植椹家開花結子大於瓜秋深漸見皮膚

硬霜重方知色味加衛俗有投還報致文園多病可
烹茶青篠剡作鋸刀刃惡犯鐵截以竹刀玉削金飛試齒牙

夜間鵲鷓

中宵枕上夢初回惡鳥遺音聽可猜白日還同無道
隱黃昏似或有心來東西南北偶然耳禍福吉凶安
在哉世云鳴某方則凶兩耳不聞丹穴噦岐山寂寞使人哀

春晝山廬感啼鳥泣書

山廬默默百機忘春晝遲遲漸覺長屋上孝鳥啼向
我聲聲似訴反哺腸鳥聲偏感孤子懷盡日對鳥垂
涕滂風樹搖搖苦不定又何白日飛西岡嗟我雖人

不如烏鳥兮使我空悲傷

聞雞

誰報山中十二辰寂寥何處問寅申雲遮日穀還疑
夕月到牕櫳錯認晨海上金烏翔欲早埭邊絳幘吭
初伸瀟瀟風雨聲依舊暗裏寧無起舞人

別慎由善赴海西幕

海邑多樓觀笙歌第幾層當年幕中客吾曾此日送
高朋文憲書院揖狂士神光剏尋老僧有詩須遠寄詩
以記吾曾

謝金重叔乘月問病

金方為玉堂官

天上詩仙月下來桂枝疎影滿瑤臺霜分晚節楓簷
竹雨壓寒香菊近苔籠藥不神人病臥杖錢無臭客
醒迴眼看桃李成蹊逕歲暮知心是早梅

送人負笈向關西

此人善飲酒能詩

送子關西路數千青山危棧白雲邊劍光入袖求龍
急驥足臨程舉策先酒力暖烘江國外詩聲清碎玉
樓前長安木葉風吹盡淚渡應看雪滿船

別沈公直忠謙之任春川

青雲暫失腳皂蓋猶觀頤岸巾眠江樓誰道舊拾遺
憑君莫惆悵升沈良有時百里亦王事盡意聊安之

孰於倘來物為可喜可悲清平古仙山絕壑生靈芝
知君薄言采鬢上秋霜遲

自舒川初還次金子瞻晬惠韻

帝鄉雲雨態危涕瘴江頭白鶴扁舟返青菱兩鬢秋
散材憐櫟社狂語任俳優獨對東山月思人夜夜愁

秋夜曉雨

西風吹小雨曉月隱層雲爽氣衾中透寒聲枕上聞
菊斑霑晚色蘭敗濕餘芬自幸牕間夢丹墀拜 聖
君

江上帶月訪人未見

一年明月中秋半桂棹來停江上村主人抱病何時
起月到江時每閉門

春菜

持筐信步出郊坵百菜新陽闖不停土覆舊根冬免
死葉隨新氣露微青湘蕘只要充枵腹名品無違考
草經病後未堪關高冷仙山正好斲蓼苓

歎兩牛繼斃

衰癯不分雉膏貪十畝閒閒代食甘買得二牛今又
失春來空向老農慚

畫龍

一紙雲濤萬里通
依稀鱗甲有無中
老畫神機能變化
恐乘雷雨上青空

山寺佛像畫

古寺陰廊佛畫尊
十王何事手齊捫
書生夜讀分燈火
欲向祇園辨道原

老栢

亭亭鐵幹上雲衢
飽雪凌霜節不渝
渤海地窮蘇子老
燕山天盡宋臣孤
鸞凰擇木曾栖息
螻蟻攻心是國都
一觚肫肫皮骨裏
由來正直鬼神扶

烏鵲吟

烏與烏同栖
鵲與鵲共枝
物情本類聚
聲氣相追隨
鳳入烏羣彩翼
椒蘭在荆林
香葉衰異已
由來苦見忌
此意楚臣靈
均知苟容誠
不可獨醒亦
殆而不如離羣
立不倚嶺上
孤松真我儀

硯滴

信土以爲形
滿腔乃智水
禮以節用之
潤物仁之義

阿中家婢死於虎

中也誅茅萬壑中
蒼頭赤腳似盧仝
門庭蒙翳荆榛擁
蹊逕尋常虎豹通
猛獸只求饑腹飽
貧居又失女奴忠
死生得喪皆關命
牢閉柴扉慎汝躬

聞離女從舅姑夫在北地焚次

亂來天屬散如星
離女三從近北庭
鴈足有書風不送
猿腸幾斷涕先零
經年道路傳消息
直垓烟炎上戶櫺
喪貝焚巢無妄甚
何堪旅况更伶仃

阿磨向湖西

經冬不出乃翁廬
雅頌詩兼訓誥書
行色如今三百里
音耗何許一雙魚
嶺冰正滑渠為客
湖草初生我倚閭
脩路曼曼匹馬瘦
更須珍重好歸歟

別兒後書懷

少年心地自安閒
兒女私情頓不關
潦倒血衰從可

占送渠終日作愁顏

猛虎

青山白額老山君
一嘯靡披百獸羣
腰間試拔黃連箭
射倒風林炳蔚文

虎鬪止

兩雄鬪還止千林
日正斜始酣劉項
戰應講藺廉和

烏江

楚漢興亡地長江
袞袞流重瞳空灑
淚匹馬亦含羞自
是仁無敵誰云命
不謀慙歎亭長語
無賴一吳鉤別尹
即中粹夫先覺巡
撫關西

畢方西飛濕推乾赤子春饑半流徙鶴班誰是憶悌
人兵部慈祥才又美六上雨露 御史身好雨和祁
隨 御史歸期何許麥秋遠拜辭管堂泣遊子幾年
儕輩似柳絮飄散紛紛風不止今年今日送吾君明
年今日別誰氏年年日日別又別淚灑離亭作流水

題人落第詩紙後

皓首窮經苦青雲得路遲磻溪垂釣日不說遇蒼姬

別金公緒續先新赴槐山為調病乞補

槐山水石擅湖西始識東方有會稽工部病來須藥
物葛洪行事為刀圭羞將冰蘖煩蠶繭喜傍烟霞問

鶴栖驢背琴書非俗吏待看榛莽入春犁

大殿迎祥詩

雪消宮瓦水盈科春動長安百萬家 北闕端心天
配道東風解事日催花蟲牕溫詔通丹地鳳沼香醪
浥紫霞節值王正歌盛德堯魏舜蕩末窺涯
乾元春載煦 聖德日方昇地部先占雪凌人早納
冰衣冠和氣重里巷喜聲騰手把摹天筆形容愧未
能

天上果恩瑞靄迷日邊銅爵彩雲低詞臣獻頌緣何
事 聖敬新年又日躋

宮柳添新嫩春心寓目知春心與
聖澤長得幾千
枝

觀造紙

楮與灰交水火煎擣雲卷雪白於綿
浥來機上清波
動幻出英英幾幅牋

賀海鹽來

野市鹽商索價翔方知斥鹵遠山鄉
堆庭玉雪終朝
量縱使聞韶味不忘

題僧軸

多情白足凌冰雪家在青山第幾峯
擬待春光粧萬

壑強扶衰病一孤筇

讀大學

孔氏遺書入德門後生須賴此篇存
欲知節目規模
盡十傳經文儘格言

讀大學衍義

西山真侍讀大學奏經筵推衍無餘蘊
勸懲在一篇
鑑龜玉後百符節
聖前千撥亂須先講
今之夙夜賢

山僧送香蔬

靈苗承雨露香葉長烟霞采出大於掌
湘來軟似紗
腥羶非食性山氣爽
喉牙誰遣沙彌餉
高庵兩手叉

山中即事

人欲呼鷹仰面久不知猛虎窺渠後雀塘機心各未
已蚌鷓持邊漁者守須臾鷹飛人亦去日落山空虎
空吼世間得失渾如許不如忘機對樽酒

輓姻從南同知

復興自淮陽
任所來葬松山

婚姻之故弟兄行雪榻匡山往事茫少時同橫帶黃
榻山寺金飛包蓋忽驚丹旄返松岡淮陽太薄難施設樞府
雖尊豈顯揚膝下孤嬰多氣骨從知餘慶尚無疆

輓柳原州雲龍

昔為吾郡宰吾是化中人去後雷遺愛民間戀舊恩

那知二豎祟不效一醫神意外驚凶間滂沱涕滿巾

昌樂丞沈仁補詩以邀我和之

彩筆雲牋寫一題多情為寄老青溪微風乍動楊花
起好雨新晴麥葉齊佳節已過人尚病小門長掩鳥
空啼習池山簡何辭醉明日揮鞭度野蹊

輓洪士振慈堂

華屏女訓應詩仙士振嚴君
詩人也玉手齊眉四十年白首
未亡新哭踊青山無恙舊因緣寧馨幹蠱歧歧質不
弔呼天蓼蓼篇報道江庄襄事備悲風吹送月溪船

贈金山陰大賢胤昌祖

息庵先生文集卷之一

美玉元無玷新蘭已自馨龍雛得雲雨萬里是前程

題玉輪詩軸

萬壑千峯屋數間一龕香火百年閒知渠曾次清於
水俗子如何不厚顏

立春門帖詩

美酒盈樽深北海高朋滿座重南金桑麻話罷無餘
事更向風軒弄短琴

栢巖金參判玆希玉東浦別墅十景次韻

孤山別鶴

小麓橫如臂平蕪斷作堆遙看玉一點海鶴何從來

寒沙驚鴈

野水新藍碧汀沙白雪明無端一陣鴈驚起字難成

文峯湧月

月吐青山頂芙蓉戴玉盤長風吹不已萬里轉金丸

烽燧飛雲

翠巘當南戶何年廢夕烽無心雲一片飛入上頭松

松崖密雪

夾岸松無數天寒朔雪侵葉疎篩玉屑枝老舞仙禽

柳堤疎雨

古澗多疎柳風吹小雨霏鶯兒啼葉裏盡日濕金衣

臨池賞蓮

移根從七澤紅錦蓋雙池敬讀濂溪說耽看玉井姿

坐石觀魚

人遊池上石魚戲鏡中天不惟存下察兼可詠飛鳶

渡口牧豎

前溪生白水烟雨長青芻短豎黃牛背行行下別洲

龍頭耘歌

細雨迷阡陌嘉禾盡意長耘歌無曲譜大旨祝豐穰

題東浦新齋

由來具眼覩天慳東浦雲烟始不閒浮世盛名真木

鴈別區新築舊榛菅數椽灑落風塵外十景呈羅几
案間我亦知非如伯玉共君漁釣各蒼顏

送韓清風述新赴

羽人駕鶴去清風寒碧樓三山丹陽近上流桂棹應

浪遊我今服丹藥歸飛期以秋預拂風水石寒碧樓

甚奇穴待我蒼灣頭

輓右台慶林君金命元

風流才調動儒紳妙歲靈波草詔臣黃閣班行丞相
舊雲臺圖畫慶林新山西重望曾元帥漠北遺恩在
野人會為穩城府使箕尾欲攀攀不得涕緣邦國倍沾巾

蒙沈一松喜壽相公委訪病未謝

高軒經過輦蓬榮往拜其門禮未成望裏終南鳥亦
好夢中良晤蝶先驚從他雲雨無停態自在金蘭抵
死盟已分餘生老江海相思一字鴈秋征

烏江

風雨陰陵夜路窮楚猴無賴有重瞳舟橫渡口招招
急一渡安知是霸功

病臥京洛夢遊丹陽蒼石

浪走風塵不自休心神導我繞清區我謝心神非太
晚秋風掛席上江舟

端午日在洛思鄉

天中勝節如寒食亂後京華事可嗟遙想故園桑柘
下滿斟蒲酒聽山歌

題僧軸

紫陌紅塵漲青山白日長共僧修社稷扶病打清裝
春寒

去歲三冬暖似春司寒無乃宋襄仁却斂風稜今始
發滿山花柳摠含顰

草廬失火

棟宇中宵烈火紅天何不吊送狂風厝薪直突今誰

咎謾議焦頭爛額功

蒼溪北泉

蒙泉涓滴小雲根巨渤涵容百折奔晝夜不停宜致
極派流浸廣在深源紫陽詠活留佳句亞聖觀瀾有
格言激瀉成湍蒼玉響淵泓倒影碧天痕細通刻木
炊僧粥傍引穿樊灌菜園不獨野田蒙澤潤甘寒可
沃客心煩

小池

小方塘與石泉通清瑩無波一鑑空照我衰顏還自
悔悔看雙鬢白髮鬆

感時

逆苗難感至誠神彊鸞何知筆迹仁胡運或貽區宇
患玉成還為帝王身金甌大釁平酋誘亂漏鼎危機
老賊老可鄰鑄鐵天山戈耀日攻駒瀚海馬嘶春攬
搶北極梟聲惡傳箭東漁蟻聚姓知我有疵將卷土
失今無備柰驚塵毋從漢幄投前筮願省徐書戒積
薪寸朽莫輕今苟變偏裨猶有古張巡陰山白額何
勞射細柳青油始覺真邊上多虞軍勢弱何當募畫
上 楓宸

晨起感興

滿室正如漆一牕片白生時鷄啁晰冷枕蝶栩栩遽驚
昨事疇非悔宵思倘可行攬裘倚空壁耿耿寸心明

因宋婿達甫書審 元孫誕生

貳室吾佳婿東牀坦腹人家庭嚴有訓玉雪瑩無塵
嶺外書來遠 宮中慶事新開絨偏喜倒最是白頭
臣

家僮自京還說消息可傷 丁酉

小奴新自玉京還事事令人鬢欲斑萬竈今如寒食
冷糧絕百僚無望北宮班百官無糧兵塵鼙鼓龍盤裏兵天
滿城筆楚衣冠馬足間朝士被臺笠狐裘何日見不

堪西溯淚潛潛

墨洞洞口插柳

栽柳不栽根插株枝自繁縱橫隨一澗尋文護孤村
白馬何年繫黃鸝盡日喧後人題品處應共武昌論
借牛種麻

春及麻苴乞四鄰借入黃犢小畝新謀身却悔平生
拙代食方知一味真賣劔買牛先急務背山臨水老
閒民從來文繡非吾願絺綌端空野服身

三月三日新艾

雲消隨處見多向野田生未可七年病堪為今日羹

絲絲蒼白色采采管篴傾遙想都人士郊山對酒烹
家有老罷馬人皆曰可棄吾憐其老

鳴之未得通其意老且長飢豈不罷路人莫笑遲遲
步誰識遲遲勝不遲

壯時猶不甚驚鳥老去人皆道下材快馬飛騰多少
客到今能有幾人哉

大霧

甚霧沈沈晝晦冥乾坤混沌未分形須臾一縷西風
起依舊羣山面面青

分菊

帶雨香根信手分遮曦灌水不辭勤積功收效風霜
裏白酒浮黃滿酌醺

謝人送鹽蘆

三月無鹽蘆似魚海人相送到庭除滄溟早採輕瑤
草斤鹵新鹹擅離蘆

歎兒子懶學

非吾不教汝自棄汝堪哀魯以宗能得勤斯惑易開
青燈催鼾睡黃卷累塵埃朽木雕無奈寬心酒一杯
蘆笠

雨脚鈺如楚刃新渠能翼蔽沛公身奇功又在鑠金

日翦取清陰分幾人

觀麻田

天公雨露恩千里野老農桑話一般
誕節幾時同衛葛漚池他日雜陳管

病中受人饋荏子餅

野田風露長胡麻秋殼胚胎幾玉沙
和取崖逢顛裁小餅香甜一味可沈痾

風樹庵次韻庵在墨洞先塋

遊子歸來風樹感今人心是古人心
空山痛哭夕陽重裏霜露年年成古今

望樂村烟樹

一村桑柘一村烟古人之詩有聲畫
古人又解畫今時我吟其詩吟不捨

憐病駒

其母耽羅產初牽意氣長有兒千里
駁論價百金黃秣劉違天性體他失藥
方富年輕遠路神骨歎膏肓耳尚新秋
竹蹄殘舊日霜春風長綠草逢禽騁康莊

奉別裴臨淵三益赴京陳謝

早托龍門喜未闌白頭無念舊心肝
吾州錢一知明府國子鱣三表長官壯志
鵬搏圖萬里孤蹤斃繫老

三韓 螭庭謝盡陪臣罪更達 君王席不安

按節行期上暮春銀槎幾日繫天津病餘又作江南

覲歧路離筵少一人

醉醒歌 甲申九月白村草堂與光遠夜飲

醒者自謂醉者自謂醒明朝一夢後醒者笑醉者
驚吾於此夜惟取醉不知明朝醉者醒者是非交相
爭醉者入羲軒醒者依舊囚愁城况趁清秋落葉時
高堂一曲清商聲志士二三人安得聽此辭兕觥光
遠爾亦君子者當罇莫笑大醉兄之醉深意存醉
中一刻忘世情浮世人情似雲雨南來不願回西京

吾鄉父老本無是與非長與光遠大醉無惺惺

長遂聯句

長遂十一孔 景明 短歌三四調光遠宮商角徵羽 景

明白雪清秋宵 是之

緩調急調意有在 景明 一曲二曲聲相連 是之 於水
於山隨指弄光遠更無吹送飯牛前 光遠 梅花片片
落無邊 是之

次海月軒題詠并小序

東海黃先生會元汝一別業曰海月軒其

題詠七言律五言律兩韻也先生書兩韻

於別紙付其庶男來示我似望狗尾之續
也昔蘇仙嘲徐凝瀑布詩曰多少濺沫不
洗惡詩吾詩不及徐又遠只願東海靈神
亟遣風雨撲洗吾惡詩免掛他日蘇仙之
眼幸矣

驚風卷海不潮潮風定波安本寂寥顏景替將銀闕
送亂雲崩著桂宮迢誰開石室瓊瑤窟聽緜仙碧
玉簫若道三神山可到滄津何許駕長橋

地盡東溟岸天依北斗墟軒騰萬里濶水畫一痕虛
灑色連銀渚剛風透綺疏若為跨海去聊與接仙裾

驪臯泊舟訪洪尚書士信

風波身倦換形容晚卜江臯學老農浦口落帆緣此
老強穿蘆荻步催筇

獲兔

尋蹄林逕雪飛初三窟爰爰落一罟縱然肌肉歸燔
炙還可霜毛利簡書

沈仁祚韓護間日連死二人以第一筆名

天上新修白玉樓人間呼取兩鍾絲虛皇命寫拋梁
字名僅修文第一流

漁村四首

千里行魚一網遮漁人事業擅江河漁人詎識濠梁
樂城市明朝得米多

山淨江空水見沙傍巖籬落是漁家穿魚換得山城
酒醉臥枕頭日已斜

白頭持釣下前灘風雨磯邊兩脛寒為問老年何太
苦笑云貧計酒錢難

萬頃烟波漾小舟垂綸終日問何求渭翁不是忘機
客一釣絲頭八百周

止吟詩

心如止水莫搖波一箸鉤思損已多七十年深空靜

養何須遇物苦吟哦

光陰

來從何處來去從何處去來來去去蹤只在梳頭處

在京偶占

道路爭何物兒童聒不休等閒投絃去欹枕故山秋

山中人送薯蕷根

深山薯蕷根采來貽我病中釀酒賞其味甘如蔗

謝高通判

曉饋魚鱗星州時

魚婢盈三貫堆盤紫鱗兼銀鱗包楚竹霜殼帶吳鹽
遠想春潮得頻教左手拈嘗來空病口亟饋亦無嫌

送宋評事碩祚赴關北

鴈塞青油客，蟲窓白面臣。
推擠何造次，說道亦酸辛。
草色連千里，鄉音隔一春。
陽和旋有詔，不作望雲人。

靄潭觀魚

解纜黃楊汜，靄淵白雲紅。
樹屋三椽主人誇我江湖興，
捲網投魚滿一船。
緩棹施罟發興多，瓦甌斟勸醉顏酡。
忽驚澆澗清波動，亂眼銀刀碎玉花。

琵琶女

香生羅襪步輕盈，彈罷琵琶若有情。
若使男兒無定力，桑間不獨是淫聲。

對酒賞菊次成城主以敏

庭畔栽培菊數叢，待看芳豔綻霜風。
今將新漉黃黃汎粟里，襟期屬此翁。

題舍弟負暄堂

不愁風雪透肌膚，背上新暄當貉狐。
欲獻九重傾寸赤，更思還自笑區區。

江寺對月

沙頭繫纜步沙來，江寺無僧門不開。
散步東臺看月

上玉輪初輾過江隈

丹陽峽中

馬逐吟鞭入水鄉人隨豪興詠滄浪若為化作沙鷗
百散向千江自在翔

舍弟山亭

黃菊爛開庭宇馨竹林深處小窓青一般秋思杯中
物雙鬢霜華鏡裏形

題裴明瑞龍吉琴易堂詩帖

二策三才理孤桐萬古心最著山雷象無絃是大音

安貧二首

聖德如天大鄉園不死還自甘蔬食分聊樂老身閒
倚柱看孤鶩開簾對遠山鄰翁來勸酒頽臥竹林間
懶於農畝事豐歲所收廉百口從他餒殘生不自嫌
春來隨老圃雨裏帶鋤鎌手自傾筐採先尋賣酒帘

訪丹谷

谷口春深草似茵幽居知在白雲鄰我非興盡回舟
客自是尋真失路人

澗鳴曾點瑟楓染葛洪砂紫烟深處起知有避秦家

承栢巖委訪適在山房未遇

山房吾臥病宿客暮還歸萬事皆關數逢場更喜違

夢拜嚴庭有愴書懷

小子驚心可懼年生成無路答皇天三年懷後還詩
禮萬壽祈中遽几筵千劫灰塵黃壤裏一廬香火碧
山前遽然覺罷趨庭夢明發無眠泣涕漣

插蘿苗種

相承生不已一本理無窮摘葉秋風裏韜根地氣中
苗迎春雨綠子待夏陽紅欲饜嘉蔬味須加老圃功

方劑茯苓薏苡丸謝人惠蜂蟻蜜

赤石懸崖罅蒼苔小穴通蜂喧知釀蜜花開正趨功
鳥獸岑治濕犀珠薏補中桐丸須煉合野老送盈筒

春寒

寒暑循環四序成玄冥何事滯春城梅心斂白疑難
吐草色含青樹未生麩麥却隨疎霰播靄勇還負小
冰驚前冬枉泄陽和氣三月臨頭閱大亨

躑躅木杖

崑閩蟠孤根雲嵐老一幹高仙不得慳寶杖還堪翫
誰與青藜論錯疑黃子看春風生意回却恐開花爛

短髮渾白歎

去歲二毛斑今年渾似雪新絲白且長舊漆光浸滅
可歎難施誰云鬢不屑追思宿字時壯髮青春結

三三無花歎

白白紅紅相間開
三三五五踏青來
古人詩語虛張甚
今日花心若死灰

僧輩分菜田

度土分畦及早春
羣居不見向隅人
若推此法行天下
井地何煩畢戰均

送山陰宰 金大賢

捐送山陰宰
歧頭柳色青
君歸逢道士
為請換錫經
蒙李校理
坡見訪病未謝

曾過丹丘分外逢
水亭樽酒凜談鋒
城東又枉誠垂

款病裏交酬禮愧慵
月下疎簾難夢蝶
雨中孤枕早聞蛩
一般鄉思君何許
鬢髮繁霜最是儂

詠蘭

幽蘭在空谷
枝葉含清芬
若非紫荆棘
幽香終不聞
荆棘非蘭願
有荆蘭始分
幽香苟自在
不聞何傷蘭
聞之在於彼
不聞蘭自聞
蘭非凡卉比
草中隱君子
蘭而不若此
直一蕭艾耳
世人不愛蘭
滿園植桃李
九畹已蕪沒
孤根恐萎死
草木覽未得
嗟嗟長已矣

溪堂和人

枉作南柯醉
夢遊既知非
後便當休
千山影裏三間

屋萬卷書中一味幽
繞堂溪水玦環鳴欹枕聽來送世情雲夢曾中從可
洗江湖自在白鷗盟

謝人佩壺來訪

堆盤兼味又烏程雪下柴扉啄木聲酒令申嚴先棄
甲談鋒已凜更加斝罇前醉臥不相送野外風多何
以行一口長鬚芻且牧未遑修問負深情

安仲賀嚴侍喪後感寄仲賀應一

吾先君與子嚴天寅卯生分差後先禮闕升堂驚在
再情辜執紼病沈綿雪中新筭沾餘淚冰下寒鱗返

故淵鄉曲寥寥耆舊盡來年春社孰高年

夢闕有感

夢拜 楓宸曉旭紅流霞滿酌賜臣工莫言此夢方
為夢四十年間摠夢中

謝江上釣徒送魚

一竿冰下細鱗魚臥劍霜筠帶素書仍想槎頭初罷
釣滿江烟月興何如

奉和一松相公惠韻

心靜懲無命時危愧不才青山塊獨寤白首少朋來
舊契清秋水新詩淨臘梅高吟牙頰爽今日口初開

逢柳狼川倚憶西厓

狼川相公之姪

西厓蕭颯起清風廿載追隨一夢中今日逢君問消

息玉淵烟月老三公 右憶西厓

索居窮谷久離羣朝暮朋從只白雲剝啄柴門喜客

到一罇忘却日西曛 右喜見狼川

別南善初復始新赴狼川

陳跡依然猶繡衣會以此御感懷今日送君時千重

峽匝公衙小百折砥通鳥道危游刃豈勞雞試割騰

謠應為犬生釐行看句漏丹砂令瓜滿歸來鬢不衰

別戚友李大司成尚信冬至赴京

歧頭慣送朝 天使垂淚無窮最別君詠葛蘿詩三

世好入芝蘭室十年薰去時遼店螢初熠歸日灤河

雪正紛千古觀周今李札東藩雅頌始堪聞

謝梨浦友送雞

秋場啄黍正肥腴縛上行舟似獻俘應念家貧彈鋏

友輟君時夜送清厨

舟泊梨浦走筆寄故人

落帆江浦口先問故人家只在荻花外前蹊風雨多

舟過忠州江村寄問金典翰蓋國

何處人如玉清江白石間知君有閒趣世事正辛艱

次會軸韻會見於重興寺

三角山天一方重興寺山之陽僧來水雲消息六月
枕簟生涼

逢舊知僧法宗書贈

乞句野齋日會於蒼溪齋談空江縣時花園縣別來
二十載白髮對霜髭

輓西原府院君樂圃鄭爺

蚤蘊鹽梅對雪靈達尊當代最 明廷一般清意今
康節三絕精巧古易經板蕩識誠賢夢下急流知勇
迴郊垆西感深松梓循先壠樂在圖書掩

畫局閣上丹青新爵上天南靈壽老人星高山挺世
咸瞻仰清廟稽疑是典刑天不憖遺邦國瘁 聖無
窮勳市朝停人間龜筮三朝老天上神仙九地形身
後蘋蘩猶有主眼前詩禮摠寧馨平生際會勳勞蹟
不在豐碑在汗青

少小抱經拜慙懃撫頂言學須心與性師必聖兼賢
斯語銘腔裏至今在目邊亂來師友散門下顧憐偏
熙郡論前史凝川衍後天至言窮閭奧危道任迤邐
候路三杯幸自嶺南向京過推梁一計傳難攀筮尾
去夢死此餘年

輓中參奉孟慶慈堂

三遷教篤養蒙時膝下曾參 聖世知府檄不來西
日是神扁無柰老天欺風翻素幔魂如在塵幕斑衣
舞為誰千古玉泉一懷抱諸孫應廢蓼莪詩

書懷

餘生一襲衣裳足已畢婚姻百不求惟願溪山最深
處釣絲風雨獨披裘

書崔持平東立臥隱堂記後時崔落職在南陽

龍臥南陽古有人後身誰識是前身幡然幾日成霖
雨活盡啜啜渴死民

平海海月軒黃會元別業

夢罷金鑿曾為是海人暫時風月一間身高亭迴歷
滄溟水釣得長鯨幾尺緝

瀛海西頭縹緲亭海風吹月透窓櫺主人仙分三生
結亭下銀槎接帝庭

得柑子一枚分半寄鄰兄

三寸黃柑自海南劈來爪甲惹酸甘一枚半割耽羅
色分與文園病口含

次成城主韻謝丹陽倅來訪

可驚雙鶴髮還慰一辰生杯面聖賢酒遂中山水聲

丹砂句漏葛車轍席門平謝禮寧容晚新秋問鳳亭

丹陽二樂古樓鳳棲新亭人皆曰雙絕然豈無優劣可議取正於主人太守

樓兄亭弟兩難為細較雌雄有可知亭前一石價三倍若豎降幡樓不辭

示族姪有終

老夫知爾富天資可占他年大有為立腳先須安靜地前程自與聖賢期

不見靈寬久今見殊非昔日凡僧音善飯

阻對吾師久新驚異裏時形枯應不食口默問何思

我老慚無述渠衰凜自持禪家六十化惟汝獨能之

夜與西山李而遠尚毅飲戲成聯句并序

丙午冬至月豚兒有中僥倖文科西山令

公吾先妣切近姓親也聞吾家有慶先遣

其胤中書舍人志完賀越翼日望月正圓

令公按轡門外呼新來四鄰莫不聚觀蓋

遣其胤喜之也呼新來榮之也迎入中堂

把盞而進之曰此豈非吾先祖敬憲公之

餘慶而吾二人世受國恩至於此當如

何報之遂感激酣飲敬憲公諱繼孫於先生為外會祖西山其

孫直

頭上花天上月月下影婆娑暹醉中豪仙中人人間
樂事多毅世世荷龍光 聖恩汪汪海波暹欲報之
德昊天罔極但將忠孝傳家毅

銀臺偶題 丙午

古知申事今承旨官制雖殊任則同白首都公真不
分未堪慚懼面生紅

輓庶叔

人孰無叔父不如吾叔仁人皆有叔父孰如吾叔親
昔我總角時撫頂言申申存心貴愛物讀書當立身

有慶共我喜有憂同我輦一日不相見戀戀如三春
二豎奪之速一年斬八旬孝子甘旨輟靈筵玄酒陳
嗚呼吾叔父福德兼備人皇天錫祚胤子孫何振振
科名膝下兒冠玉東牀賓大田歲多稼八口無時貧
年年釀亥酒日日呼親鄰始自牧丹時至于黃菊辰
痛飲不辭醉深知此味真豁然外生死一委之蒼昊
藥物斥之去深杯不離唇居然駕雲歸孰能攀颯輪
故屋視弊屣仙鄉行色新婦子自羣哭精蒐朝玉宸
寂寂素幔裏依依如在紳青山舊兆傍慟哭驚今寤

醫之子不讀其父書讀經書業儒

君家自有箕裘業何不相傳讀父書醫國醫人同一
道六經宜且做三餘

寒食

都堂課試

百五風光近采蘭家家此日竈灰寒千春綿上魂猶
熱萬古人間爨未安柳巷分明炊黍久樵蹊闕寂賣
薪難郊山軟草尋蛇穴冷酒堪教舊怨寬

贈推數僧德藏

短杓孤筇老水雲塵緣洗盡只天君為尋山社逃空
客說有談無夜欲分

遠自青山來清裝一編易借問陰陽爻無言坐面壁

次舍弟心峯精舍韻

萬壑千峯一小亭優游聊可送殘齡泉鳴澗口鏗瑤
瑟霧捲山腰露玉屏身穩空虛惟有睡夢驚風浪欲
無醒半間分與胡僧榻夜掃前壇禮七星

題丹谷山家

桃源之說不荒唐始信神仙在此鄉地秘天慳具眼
覩山回水曲道家庄通泉白石琴絃細蓋沼紅蓮鏡
面香野客歸時時向晚小壇人影散斜陽

中山齋重修後夜坐有感

齋所賦

草初悲疇昔增新視舊廬地因人再造時與事堪歎

谷密常留豹泉寒不受魚古今懷抱裏山雨夜疎疎
暮春日會真先墓有感

春林幽處鳥悲吟寂寞堂封苔蘚深幾年霜露今寒
食六代玄孫無限心

爲國喪會葬向京丹陽路中阻雨水未達
滯雨長林傳舍愁殺滂沱達夜借問前溪淺深惆悵
無艍可駕不會學縮地方安得挾太山過心往路絕
奈何老臣垂淚如瀉

次成城主秋懷惠韻

後臺花發又前臺爛熳黃金映酒杯老境渾無經世

志詩壇亦愧倚樓才幽泉灑磴草多色亂葉迷蹊入
少來著劫今朝占喜鵲松關初爲使君開右謝在過

落木寒溪萬壑秋容懷蕭瑟強登樓孤村一抹炊烟
起亂樾多聲宿鳥投幼婦清詞驚彩筆步兵醇釀想
新篔莫將兩眼傷時淚灑向西江入漢流右謝惠詩

詠菊次城主

月杯斟玉淨霜菊汎金黃乃知今白洞還是古柴桑

壽樂堂次城主韻

堂稱壽樂慚仁智性愛溪山借美名明月正宜文字
飲良辰又是九秋晴

朝郭院長嶮不醉先起

帶月看花尤好事一罇未盡何先去主翁醉卧枕花
叢曉起衣裳香露滑

李生廷薰晉其大父因樹亭二首

古屋曾因樹秋池尚有尊重修仍舊貫植物亦長春
憶在髫年拜大翁昂藏八十古人風人亡樹老猶支
厦知有靈根似蟄龍

息庵先生文集卷之一

